

# FONS BLA VVS.

Cerne, breui lector nunc te sermone tenebo.

Quattuor hos tantum iam lege uersiculos.

Pierij latices, clare sunt Phocidis unda.

Hos, uada Cephi si qui cecinere, uides.

Me quoq; Reysmanus studuit celebrare perennem.

Pars quota cum clavis fontibus inde ferar.

PER THEODORVM

REYSMAN.

1575. fuit Rector scholae Aemulanae. fuit. theophrastus  
de theophrastus. fuit. theophrastus. fuit. theophrastus.  
Certe. fuit. theophrastus. fuit. theophrastus. fuit. theophrastus.  
Prop. fuit. theophrastus. fuit. theophrastus. fuit. theophrastus.



ET IMAGINIBVS, ET LITERIS INCLYTE  
TO HEROI, DOMINO GEORGIO  
DRVCHSES, MECOENATISVO  
CLEMENTISSIMO, S. D. P.

**S**UPERIORE Autumno, Vir Inclyte, patrum  
Academiae Tübingensis prouidentia, & ob æris in-  
temperiem, secessimus, quidam in alium locum, nos  
uero Blaubyriam. Ibi etsi accolæ boni, & simpliceis  
fontis Blauī, iugorum, amœnissimæ uallis, totiusq; loci  
ob continuam cohabitationem, ita ut sit, sāturi sint, at-  
tamen huc qui siue casu, siue consilio diuertunt, loci  
admiratione adficiuntur, fontisq; miraculo stupent.  
Quod cum & nobis accidisset omnibus, & admirati-  
onem, & stuporem illum sic tenuiter complexus sum  
uer sibus, quos Blauum adpello. Hunc, Vir Inclyte,  
tibi defensitandum à latratu maleuolorum dedico.  
Non solum enim publico fauore, & præsidio nostram  
Academiam, laudeq; perenni prouehis, sed etiam, quæ  
ad modū Ludouicus frater tuus, Vir Fortissimus, tuos  
ipsius liberos & in patria literis formandos, & in Ita-  
liam ingenij cultus gratia capiendi ablegandos curasti.  
Sepe etiam cum Serenissimo Rege Ferdinando Blauū  
es unice admiratus. Adde, quod & Blauī cursus nostri  
pertinet ad reliquam Ducatus Vvurtembergensis Mo-  
narchiam, cuius regiam administrationem tu, Vir In-



elyte, ut dignissimus Vicarius iuste gubernas. Pröinde  
Blauum, quem antea sæpe admiratus es, & tuæ fon-  
temq; fluiuiumq; Monarchiæ, nec non solito erga lite-  
ras, & harum studiosos fauore, deniq; Mecœnatis,  
Augusti, Agrippæ, & reliquorū principum uirorum  
exemplo suscipe, & defende. Heroicôs Vale, Vir  
Inclyte, & inter tibi commendatos Theodorum,  
ut facis, ama. Blaubyræ Sueuorum.

# FONSBLAUUS.

**T** Ecelebreis inter fonteis Natura, Parensq;  
Rerum formauit, Blaue canende mihi.  
Digne cani, pulchros inter liquidissime fonteis,  
Gurgite qui uitreas diuite fundis aquas.  
Thesauro latices depromis nempè profundo,  
Quo uix credo potest altior esse magis.  
Fortè, quòd Alpinos hic se demittere colleis,  
Inq; sinum uideas uelle subire tuum.  
Alpibus & uicina Alba, & sic dicta Sueuis,  
Hunc quoq; decluem condidit ipsa locum.  
Vt se demittant, ut sint decliua cuncta,  
Saxosis fons est cunctus at iste iugis.  
Præ scopulis saxum reliquis hic prominet ingens,  
Huic speculam ueteres imposuere loco.  
Non hanc dei ciunt forteis cum fratribus Austri,  
Nec Boreas nimbis huic nocet ipse suis,  
Stans immota Alpeis, cernitq; Lycaonis Arcton,  
Et Solis nitidos egredientis equos.  
Cernit eos, quādo Oceano se tingere pergunt,  
Et se spumosos quādo adaquare solent.  
In præceps de alto uidet ista domuncula saxo,  
Prospicit in uenas lymphide Blaue tuas.  
Vt maris Aegæi speculator, siue Britanni  
E speculamalo prospicit imposita.

A iij



Ceu de alto quis Pyramidum despectet olympo,  
 Sic domus in Blauum pensilis ista uidet.  
 Huc perhibent Ceruum syluis fugisse propinquis,  
 Aëripes mortem diffugiturus erat.  
 Scyllæos latices nescit, uitare Charybdin  
 Dum studet, atq; necem, dum fugit, in siluit.  
 Urgebant utrinq; Lacon, celeresq; Molossi.  
 Venator tergum clauserat omne feræ.  
 Audires sonitum cornu, strepitumq; sequentum.  
 Latratu resonant proxima rura canum.  
 Tum iuga, tum syluas resonans compleuerat Echo.  
 Ex animis Ceruus prendier ipse negat.  
 Quod saxum facit hic, collo salit ipse reducto.  
 Currirur huc, ruit huc uis, sequiturq; feram.  
 Impetus an ne feram deiecerit, an ne putandum est,  
 Se uiuam canibus non uoluisse dari.  
 Atq; mori statuisse prius, quam præda sequentum  
 Successos inter uiua perire canes.  
 Anne fuga certam uoluit sperare salutem.  
 Magnis in Blauum saltibus in siluit.  
 In præceps è sublimi fera succidit ingens,  
 Atq; imo Blauu mergitur ipsa sinu.  
 Fons nimium est altus, uenæ nimiumq; profundæ.  
 Impetus ante grauem de grauat ipse feram.  
 Mole sua pressusq; ima dum certat Abyssus,  
 Et sursum Ceruus posse natare cupit.

Viribus exhaustus, lassatusq; ante natator,  
 Quam potuit sursum membra referre sua.  
 Attrahit ipse uorax gurgēs, prohibetq; reuerti,  
 Duram luctator combibit ergo necem.  
 Non tamen has epulas digessit gurgite Blauus.  
 Maiorem nimio credo fuisse bolum.  
 Fontis erant imo obspicata in flumine uenæ,  
 Dispensare suas fonsq; nequibat aquas.  
 Fit sonitus, magnumq; imo fit gurgite murmur.  
 Inclusum tonitru nempe sonare putes.  
 Venti indignanteis tali cum murmure fœdus  
 Regis in Aeolia, sceptrasonare, colunt.  
 Sic, Lærtiadæ socius cum solueret utrem  
 Prægnantem uentis, æquora cuncta fremunt.  
 Accola demirans murmur, Blauq; tumultum  
 Insolitum, uenas, fontis aditq; sinum.  
 Ceu iuga se montis cupiant aperire, sonabat,  
 Se uelut in ualleis præcipitare uelint.  
 Ut uelit Oceanus Blauu perrumpere uenas,  
 Proxima diluuium perdere quæq; nouo.  
 Pars mutare locum properat, pars territa uita,  
 Ambigua estq; necis, semanimisq; stupet.  
 Pars orare Deum, cœlos, terrasq; regentem,  
 Qui dare consilium, præsidiumq; solet.  
 Venatur edit interea quis, nuntiat alto  
 Ingentem saxo de silui, se feram.



Salibus hanc miris scopulos, per saxa ruenda  
Euaſſe canes, retia, tela, uiros.  
Mox ſubit, ut credant Ceruum inſuiſſe lebêtem,  
Imo obſtypatas gurgite fontis aquas.  
Venas ritè ſuos non poſſe abſoluere curſus,  
Funeis adcelerant, uincla recurua, rateis.  
Præcuruo longos funeis armantq; Tridente.  
Indignans murmur uelle ſilere putes.  
Brontis opus, Steropisq; Tridens demiffus Abyſſo  
Innatat, attrahitur gurgite preſſa fera.  
Murmur abit, redeunt uenis ſtypata fluenta.  
Omnia ſed curſu tunc meliore fluunt.  
Inſolitum fugere ſonum qui, nempe reuerſi.  
Territa pars uireis concipit inde nouas.  
Parua quidem ſpecie res eſt, tamen illa fuiſſet  
Imo triſte malum fonte relicta fera.  
Hinc & qui orauere Deum, ſenſere parentem,  
Qui rebus dubijs proximus eſſe ſolet.  
Hoc monitore bonus uenatu nuntius ille,  
Cūq; illo præſens uenerat auxilium.  
Naiades, & Nymphas iam tum gaudere ſalaceis,  
Et uideas uultu cuncta redire nouo.  
Tum quadringentis cubitis, & pluribus altum  
Mirantur Blauum, cornua pulchra feræ.  
Armis infixum telum mirantur acutum,  
Non celerem tamen hoc præpediſſe fugam.

In portu Libyco ceruorum corpora ſeptem  
Aeneæ iaculis talia ſuſa puo.  
Multas hic uideas Blauiq; patere lebêtem  
Vlnas, miracl plus tamen altus habet.  
Inclutus hic Ferdinandus Rex dicitur olim  
Demiſſe globum pondere nempe grauem.  
Innumeros menſus cubitos miratur Abyſſon.  
Phocæos latices, Caſtaliosq; uocat.  
Non totidem quidam cubitos à Rege fuiſſe.  
In Blauo menſos hac ratione uolunt.  
Quondam cædendo, quæ nuda cacumina nunc ſunt,  
Syluas, cum truncis ſaxa fuiſſe iugo.  
Continuò nunc hoc Blauum petiſſe profundum,  
Nunc aliud. clauſam gurgite nempe uiam.  
Ceu per Cancellos fontemq; erumpere Blauum.  
Illa grauem referunt impediſſe globum.  
Hic locus in præceps mirus, mireq; profundus  
Imo cœruleas gurgite fundit aquas.  
Illum Germani Blauum dixere colorem.  
Hinc fontem conſtat nomen habere ſuum.  
Mox amnem uenæ faciunt, lembosq; receptant.  
Nobilibus Druttis Blauus & ipſe fluit.  
Lucius huic gracilis, Cephaleus inſtibi Mugil,  
Qui caput à paruo corpore maius habet.  
Cœruleas Blauū quoq; Fundulus incolit undas.  
Hic dulcis cœnas ſæpe cohorte facit.

A p



Protinus octo uena rotis molit anne sonanti.  
Radices montis flumine dute natant.  
Quom torret Procyon campos, gelido fluit anne.  
In Bruma tepidas gurgite fundit aquas.  
Fertur, Erichthonios concretos frigore currus  
Soluer admotos lympe Blaue tibi.  
Hic factum Pario claret de marmore Templum,  
Venis contiguum Coerule Blaue tuis.  
Aris deuotum centum, totidemq; columnis  
Pulchrum, Dædalea factus ab arte labor.  
Mœandris uarium, tot distinctumq; habitaculis,  
Thesæa queis filo posse redire negem.  
Multarum quoq; diues opum, diuina supellex  
Hic est, selectis Bibliotheca libris.  
Hanc tamen obductam uideas squalore, situq;  
Obductæq; sedent puluere Castalides.  
Sic mercatorem cernis spreuisse Camœnas,  
Qui ficus mauult stultior esse suas.  
Obscuro probat hoc lectus fullone Senatus.  
Estq; Midæ constans proditor auriculæ.  
Id genus Anticyram mittendum, æzrota ceterua.  
Digna cohors, ficos quæ patiatur, erit.  
Non olim Libycus sacer Augustinus alumnos  
Contentos passus religionis suos.  
Hic uoluit sacris doctas coniungere Musas,  
Artibus, & celeberris religionis uiros.

Stridonius pater hoc Hieronymus ipse probauit.  
Legerat hic flores Quintiliane tuos.  
Lumina tantaq; nil artis latuisse fatendum est  
Egregiæ, sacer, ac doctus uterq; fuit.  
Alter, ut adicipimus percussum, est casus inique.  
Tullius huic quod erat cognitus, atq; Plato.  
Romani ciueis, quantumq; & honoris Achilli  
Artibus attulerint, sæcula multa canunt.  
Egregias arteis contemnens, ille necesse est  
Sit malus, hic flagris erudiendus erat.  
Aggeribus, fossis, muris, stratisq; uiarum  
Sunt æqui, magnis sumptibus illa struunt.  
Et nemo, ut uideo, est in cura ualde segnis.  
Mens quàm sit melior corpore quisq; uidet.  
Pauci se erudijisse, suam sobolemq; doceri  
Contendant, plenæ puluere Castalides.  
Qui bonus esse cupit, treis hic obulos numeranda  
Conducit uilem scilicet Aedituum.  
Iste satis doctus, si tritum Gloria Patri  
Concinat, ac pubes talia docta sonet.  
Scilicet hic, aut hic debet reuocare Senatum.  
Argentanginam passus uterq; silet.  
Nobilis & mage nobilitas, mage laudeq; digna,  
Arteis ni toleret penè iacere bonas.  
Strenua si adfereret patria uirtute Camœnas,  
Essent nobilium semina uera patrum.



Templâque quisq; bonus solida cum laude probet, ni  
 Omisso iaceat Bibliotheca situ.  
 Hoc nostrum uitreis pars Blauî interfecat undis.  
 Fonticulos diues reddit ubiq; nouos.  
 Ad dextram locus est templo, conclauē Latini  
 Dicunt, huc passum corpora conueniunt.  
 In medio Liguri de marmore facta columna.  
 Huc surgit, Blauî de silit inde liquor.  
 Et raucum teneras murmur ne læderet aureis,  
 Adpositum uideas scilicet artis opus.  
 De fluit ipse liquor factis ex ære cathenis.  
 Hæ tenuis faciunt ritè silere sonum.  
 Ante fores alium uideas fluitare cicutis  
 Ter tribus, & rauco murmure fonticulum.  
 Est, ubi de Blauo cernas uiuaria facta,  
 Nostri quæ templi mœnia clausa tenent.  
 Picturas quoq; Zeuseas mirabar, & illam,  
 Orbis quæ formam parua tabella gerit.  
 Quantum Asiæ maius regnum, Libyæq; minora  
 Sceptra, sit Europæ finis utroq; minor.  
 Ast alia pendent Solymæ confina pictæ.  
 In propria tabula scilicet ista uides.  
 His intertextum tabulis quoq; stamen Arachnes,  
 Omisso uideas multa per æsa situ.  
 Sed propè Germanæ pendet quoq; gloria gentis,  
 Quam tamen inuadit bellua, Turca sirox.

Regnaq; desideribus nobis crudelis ademit,  
 Pultauitq; fores clara Viennæ tuas.  
 Hæc multis merito lachrymis perfusa tabella est.  
 Funera multa, uiros, regna subacta uides.  
 Pammonios, & Byzantias, strauit Rhodon ipsam.  
 Et quid non tentat Bellua sæuamali?  
 Oblita est patriæ uirtutis Teutonici ora?  
 Et princeps orbis talia ferre uolet?  
 Nobilium Comitum nomen, formasq; uidebam.  
 Templi fundator primus uterq; fuit.  
 Henricum Comitem, cui olim subiecta Tübinga,  
 Gente Palatina quiq; oriundus erat.  
 Sigibothonis erat de Ruk coniuncta figura,  
 Arx iacet in dorso quæ bona Blauæ tuo.  
 Gemmis est, auro, & Sarrano murice clarum  
 Hoc templum, colit hoc Bacchus, & ipsa Ceres.  
 Redditus in medio stabat Saluator Iesus.  
 Machina cælestis Praxitelea chorus.  
 Christiparam Mariam cernas, Annamq; parentem,  
 Et Lysippæa cætera facta manu.  
 Publion, expressam uideas illic Mitylenen,  
 Vipereus Pauli factus ibiq; rogus.  
 Organa sunt illis fateor quoq; Musica, uerum  
 Artibus omisi qualiacunq; sonant.  
 Orphea, Phemion, atq; potens præsentis Ioppæ  
 Optatum carmen pondere dulcisono.



Saxa, feras, monteis, fluuiosq; mouere solebant.  
 Mentis nostrorum posse mouere putem.  
 Scilicet, adfereret quò pro se quisq; Camœnas.  
 Id Superos, patet hoc publica uelle bona.  
 Hos quoq; diuinas laudes celebrare putarim  
 Dulcius. hâud calami stridet ab arte sonus.  
 Clepsydra pendebat, Stôfieri fabrica docti,  
 Signa suum Phœbum per duodena regens.  
 Annorum seriem uidi quoq; , tempora prisca,  
 Quis ædi facta est prima columna sacræ.  
 Multa uetustas scripturam detriuerat, ut non  
 Consequerer, nec erat cura rogare mihi.  
 Extructum iacet hoc in dextra margine templum.  
 Attingit uenas Cœrule Blaue tuas.  
 Vndaq; demerso currens tua Blaue canali,  
 Et lustrans Templi quæq; habitacula rigat.  
 Alueus ipse foris pleno delabitur amne,  
 Et mox, quot dixi, tot molit ipse rotis.  
 Silenus regit hæc molas, & cultor Iacchi,  
 Qui duplicem Blauum sæpè uidere putat.  
 Nutandoq; domos numerare solebat in urbe,  
 Et tremulus pueris fabula sæpè fuit.  
 Hunc Chromis, & socius uiderunt urbe reuersum,  
 Perfusum multo sæpè iacere mero.  
 Enmaus adiacet hic parua, & Blaubyria dicta.  
 Blaubernam prisco dicere more solent.

Viri hæc ratio est. in signe est rusticus illis  
 Cœrulus, est color hic Cœrule Blaue tibi.  
 Fontem Germani Bornam, Brunamq; uocarunt.  
 Hæc quoq; Iudæi nomina fontis habent.  
 Altera uox itidem deflexa est, rusticus illa,  
 Et non obscure, significatur homo.  
 Candidus, & simplex, aliqua sine fraude popellus.  
 In patrio diues rure, domoq; satis.  
 Viuit sorte sua contentus. religioni  
 Synceræ mira sedulitate uacat.  
 Auro scilicet ut fuluo laquearia ducat,  
 Non est hic nimius sollicitator opum.  
 Quiue petat uenas montis, cæcasq; medullas,  
 Horrendis specubus quærat auarus opes.  
 Utq; bibat gemma, se irato credere Ponto,  
 Nemo studet merces Gange referre suas.  
 Mutua cognatis est hic concordia, fratrum  
 Gratia, contentas cernis & esse nurus.  
 Debitus est honor hic patribus, quin iussus herilis  
 Excipitur, matres sollicitasq; colunt.  
 Fœnore sic omni gens prisca soluta paternum  
 Viuebat, Nilo non referebat opes.  
 Tunc patrium pro se quisque exercebat agellum.  
 Non curæ prisca aula superba uiris.  
 Omnia candor erant. non cognita frausque, dolusque.  
 Simplicitas superis ista probata fuit.



Huic tenui mensa est satis exornata salino.  
 Patria securum fercula coenat olus.  
 De simis comedunt ciueis lac dulce capellis,  
 Pulteis, in calido tostaq; liba foco.  
 Gallinaq; recens, calido stridensq; Butyro  
 Ouum. suspensio de Petasone bolum.  
 Et pedicis ornat coenas comprehensa Coturnix,  
 Assaq; praelongo Succula tota ueru.  
 Mensis adponunt matres Melimela secundis,  
 Quem cingunt multae, Caseus hicq; nuces.  
 Hic, quas Patria fert, epula nascuntur inemptae,  
 Nateq; non procul hinc cornua Bacche facis.  
 Nempe die Festo celebrant post Sacra choreas.  
 Saltantum strepitu uallis amoenasonat.  
 Hic in composito saltu terram quatit, alter  
 Amplexu prensam uibrat in astra Chloen.  
 Pars uolucres captant. currendo uincere quidam,  
 Et simplex nucibus ludere turba solet.  
 Viribus hic audax media decertat harena.  
 Hic natat in cursu lympe Blaue tuo.  
 Intenti quidam Cressas torquere sagittas,  
 Et Partho cornu praemia nacta ferunt.  
 Saepe & Hamadryades mistas cantare Napaeis,  
 Act easq; putes ludere saepe Deas.  
 Ictu Bombardae quidam resonantque, globisque,  
 Nigricat & crebris ictibus ipse Scopos.

Omnia quid memorem? Blauborna est laude uetusta,  
 Digna q; de prisca simplicitate cani.  
 Diffecat hanc gelido Dachys liquidissimus amne,  
 Hinc miscet socias utraq; uallis aquas.  
 Non procul bine ingens, ac horrendum patet antrum,  
 Quod natura loci, sponte recessus habet.  
 Mille capax ouium, totidem patulumq; iuuentis.  
 Vidimus. in medio caeca fenestra patet.  
 Lampade succensa transrepimus ordine. rursum  
 Ingens, horrendum caeca habitacula specu.  
 Concretus liquor, hic lapis est, uulgariter idem  
 Lucidus, hinc socijs gemma recisa ioco.  
 Hoc tepidum Lepores, Damas, Ceruusq; receptat,  
 Quando Scythonia cuncta referta niue.  
 Frigore concreti quando fluij q; steterunt.  
 Quam secuerat rateis, cum uia trita rota est.  
 Sirius aut nimio quom terras findit ab aestu,  
 Gratas hic umbras Dama, Lepusq; petunt.  
 Bestia si qua tamen nimium, penitusq; recessit,  
 Est gyris uarij saepe retenta specu.  
 Nequicquam reditum, caecas tentatq; cauernas  
 Linquere. linquntur uix praecunte face.  
 Omnes, quotquot erant, mirati immane Barathrum,  
 Quale fuit Caci, uel Polypheme tuum.  
 Defluit in Blauum Dachys, findit prius idem,  
 Quod dixi, templum, sed molit ante rotis.



Hic memini iuga, nos colleis Niclæ solere  
 Scandere, mirari littora, saxa, specum.  
 Atq; mei tibi Mnemos non memini dare, longum  
 Quando Vale dixi, talia uerba sonans.  
 Mœnia prisorum repetes Niclæ Nemetum,  
 Rhemiq; auriferi littora clara petes.  
 Hic ego, Cœruleas qua Blauus lambit arenas,  
 Turtur ut amissa coniuge nempe, gemam.  
 Nos loca distungent, animo comitabor amicum,  
 Parsq; mei potior uiue, ualeq; canam.  
 Hæc abeunti uerba dabam sub uertice Blauī,  
 Cuius adhuc miror littora, saxa, locos.  
 Suspiciunt clari Vates Heliconia Tempe,  
 Et iuga Parnassi uerticis ipsa canunt.  
 Cyrrheos referunt latices, fontemq; Pyrenen,  
 Et biferi Pæstia mania, prata, rosas.  
 Naturam nostri miror fontisq; lociq;  
 Arceis hic nostris collibus impositas.  
 Aëris hic sani clementia corpora nutrit  
 Fortia, magnanimos Blauus habetq; uiros.  
 Ducendus contra Turam sit & inde Mamplus  
 Perpetuus, fieret Bellua seu minor.  
 Suspecto ualleis, & opaco frigore ripas,  
 Arboreosq; choros, cinctaq; prata iugis.  
 Monteis hinc nudos, scopulos & in astra minanteis,  
 Hinc pulchram colleis miror habere comam.

Fructiferum in dorsis suspexi, & collibus agrum,  
 Et, propè quæ fundis, dona Lyæ tua.  
 Non etenim procul hinc Methymnæas habet uuas,  
 Hortos Alcinoi Neccharus amnis habet.  
 Anser cum uigili Blauum piscantur Anates.  
 Illorum uideas sepe natate gregem.  
 Iuniperi quidam latebris in littore Blauī  
 Tectus in in sidijis accola sepe cubat.  
 Arcu ab Ithyrao uideas hinc tela uolare.  
 Sic & in insidijs sepe feritur Anas.  
 Nempe iugis ut in Hyblæis, & montis Hymetti,  
 Nare domum grauidas ordine cernis Apes.  
 Dachys habet retrò gradientis flumine Cancros.  
 In patina croceos hic licet esse tibi.  
 A cancris Blauum Dachys superauerit, est uix  
 Piscibus, & cursu fluminis inferior.  
 Hinc lupus, atq; leo, procul hinc turpeisq; chelydri.  
 Vrsæ metus nullos hic Chalydonis agit.  
 Securi, atq; leueis fluuiorum ad murmura somni.  
 Hic uarijs cernas cuncta uigere bonis.  
 Magnorum hic armenta bouum, uaccasq; uidere  
 In pratis, & oueis rure, iugisq; capras.  
 Delitias querens in glande Sabellicus hic sus,  
 Hædorumq; greges hic Melibææ regis.  
 Hic nuper nati uituli, matremq; sequenteis,  
 Qui graue adhuc teneri non didicere iugum.



Quom Steropæ socias reuehit Februarius, ecce  
 Cernit Amyclæos hic Epidaurus equos.  
 Hic fermè innumeros Atridas uidi, & Vlysses,  
 Anchisæ uidi, stemmata clara, genus.  
 Carolus hæc, à Conuentu Fernandus abibant.  
 Illustreis uidi nobilitate uiros.  
 Et Cerere, & Bacho queis Vuurtembergia foelix  
 Nempe dedit solito letior hospitium.  
 Ad latus huic Blauborna sita est, & regia sceptræ,  
 Scilicet in dicta simplicitate, colit.  
 Hæc spectata fide tua complet uissa, Georgi  
 Druchses, nobilum gloria prima uirum.  
 Præsidium, decus, & nostræ lux pulchra Tübingæ,  
 Dignus es ex meritis Regis habere uices.  
 Es dignus longos foelix regnare per annos,  
 Venturi cuius fortia sceptræ colant.  
 Ad fontem gelidi quoq; suspicit aduena Blaui  
 Littora, saxa, locos, cætera quæq; uidens.  
 Hic alto Gerrhusiacum sub uertice castrum  
 Suspicit, & speculam Cœrule Blaue tuam.  
 Quin huic gibbosi petitur peninsula Ruggi.  
 Hic cubat ad murmur Gysselebachæ tuum.  
 Fonte tuo Blaui gelidum quoq; flumen adauges,  
 Subq; tua Platano membra quicte cibas.  
 Illa quidem sterilis, sed opacis susinet umbras.  
 Huc reclinatis grata susurrat aqua.

Narcissos, Hyacinthon, & hic Colocasia cernis,  
 Cunctaq; uernantis uallis amœna uides.  
 Huc studiosa cohors, Regalis alumna Tübingæ,  
 Ire solet, Stoi, Socraticiq; uiri.  
 Hoc rerum caussas uenans Academia sæpe,  
 Et solet hoc, quæ gens Ambulat, esse loco.  
 Clarum non procul hinc Iacobum est cernere Lembu,  
 Protegit ille suo nostra patrocinio.  
 Ut Pater ille Scholam, nostras fouet ille Camenas.  
 Huic lucus Pyliæ, temporalæ læta precor.  
 Aëris hic Blauum clementia temperat omnem,  
 Et facit, ut uiuant fortia membra, locum.  
 Hæc erat inclemens, nostræq; aduersa Tübingæ.  
 Hinc tua decernunt littora Blaue Patres.  
 Cum socijs quom sc abscondit formosa Celeno.  
 Quando Autumnaleis Piscis inuiuit aquas.  
 Anato Domino Iesu ter sæcula quinq;  
 Anni ter, memini, præteriere decem.  
 Pomifer, & morbos referens Autumnus habebat  
 In patulo iam tum musta renata lacu.  
 Officium ripæ faciunt, simplexq; popellus.  
 Hinc mihi, quod facis hæc, Blaue canende uenis.  
 Officium populi gratum est, fontisq; lociq;  
 Publica, sunt animi commoda grata magis.  
 Expectans studiosa cohors, Simlere diserte,  
 Astro foelici læta redire cupit.



Nante Phœbæis æquiq; boniq; docentem  
 Artibus, & magna dogmata laude probat.  
 Immortalia diuinæq; oracula mentis,  
 Percipit à tanto discere multa uiro.  
 Dogmata Pastoris cupit hæc cœlestia Galli  
 Audire, ut mores cōmibat inde sacros.  
 Cecropios proceres reliquos imitauer optans,  
 Audire illorum uerba diserta cupit.  
 Et uideor iam nunc foelicia cuncta uidere,  
 Quod des, ut uideam, te bone Christe rogo.  
 Quin merito uallem Blauī mireris amœnam,  
 Villas contiguas, rupea castra uidens.  
 Innūmerasq; molas, Blauīq; uireta fugacis,  
 Excelsas uolucrum concua saxa domos.  
 Quæ ueteres illis quondam imposuere Sacella,  
 Blauī gibbo sis edificata iugis.  
 Hic quod in anfractu spatatur, planicieq;  
 Egrediens uallem, cornua quodq; facit.  
 Quod bis mille sciat passus, dein mergitur Istro.  
 Scilicet ante Lares perfluit Vlma tuos.  
 Quæ, uelut exuperant altæ uiburna Cupressi,  
 Nobilis est nostra sic Emāunte magis.  
 Maior honos hic Musarum fors crescit alumnis,  
 Tunc pulchra ciueis laude probare queas.  
 Tunc recte artificum laudes, operumq; laborem,  
 Cum fœsus turreis, mœnia, strata, uiros.

Rex fluuiorum Danubius nostrum bibit amnem.  
 Hinc & in excurso litore finis ades.  
 Quin maiore cani pleetro dignissime Blaue,  
 Nunc quod Regaleis lāberis inter aquas.  
 Pannonios, per Basiarnas, & Turcia regnā,  
 Hostia per septem ferris in Oceanum.  
 Mæonio, tu Minciadæ quoq; carmine dignus.  
 Illi sed proprias res cecinere sacri.  
 In rebus patrijs aliqua nos Blaue locando  
 Principio numeres ultima, primus ero.

FINIS.

Ad Iohannem Grūner,  
 Chalcographū Vlmensem.

Nomen habes rebus quadrans Grūnere, decusq;  
 Hinc uirtute animi, corporis atq; uiges.  
 Litterulis flores, & coniuge. prole, domoq;  
 Est & amicorum magna caterua tibi.  
 Libera, sed quoq; te florentia mœnia cingunt.  
 Est decus hoc quæ sunt flumina trina loco.  
 Hillara Danubio mistus Regi fluuiorum,  
 Hoc socias præbens littore Blauius aquas.  
 Teutonis inuentum, tuus est cultusq; character,  
 Quo cedis paruo tempore mille libros.  
 Et quo uenturis commendas uiscera nostra,  
 Si modo posteritas carmina nostra leget.  
 Dicitis nempe tuis, est magna; gratia factis.  
 Nomen Iohannis conuenit ergo tibi.